



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput Primum. Idem a Olomicensi Episcopo.

[urn:nbn:de:hbz:466:1-74544](#)

T I T U L U S XXIX.

De clero per saltum promoto.

C A P U T P R I M U M.

Idem ^a Olomicensi Episcopo.

Ux nobis litteræ præsentatae continebant, quod sicut ex relatione quorundam bonorum virorum receperas, P. presbyter lator præsentium, diaconatus ordine prætermisso, se fecit ad sacerdotii ordinem promoveri. Cumque super hoc ab ipso quæstiones diligentius veritatem, ipse tibi secreto humiliiter est ^b confessus, se pro certo nescire, si res taliter se haberet; sed ex quo hoc boni viri asserebant, inter quos fuerat conversatus, credebar assertioni eorum, eo quod ipso tempore, quo ordines inferiores suscepserat, infra annos ^c di scrationis fuerat constitutus. Tu vero ipsum ad Ap. Sed. transmittens, à nobis humiliter supplicasti, ut cum eo misericorditer agere dignaremur. Nos igitur ejus miseriae condolentes, f. t. per A. s. m. quat. condignam pœnitentiam pro hujusmodi negligentiā in jungas eidem, & eā peralatā, quia non intelligitur iteratum, quod factum esse necit, ipsum in ^d diaconum ordinare procures, & sic de misericordia eundem ministrare permitas in ordine sacerdotis.

N O T A E.

^a **O**lomicensi.] Ita etiam legitur in tertia collectione, sub hoc tit. cap. unic. in hac verò sexta legitur Bononiensi, & Glossa marginalis emendat Colonienisi: sed cum præsens epistola non repetatur inter editas à Sirtleto, & Bosqueto, non possumus veram inscriptionem restituere. De Bononiensi diocesi eg in cap. 17. de foro compet.

^b **C**onfessus.] Non solum aliter, aut si in foro pœnitentia licentia data sit ipsi Episcopo confundendi Romanum Pontificem, juxta tradita in cap. 2 de officiis ordinis.

^c **A**nno discretionis.] Quænam dicitur annus discretionis, exposui in cap. 1. de delict. puer.

^d **D**iaconum.] Sed quare non repetuntur alii gradus minores, cum intra discretionis annos recepti fuissent; & similiter gradus subdiaconatus, qui omisssus fuit: Andreas Sausay in Panopli. cleric. lib. 6. cap. 1. part. 1. §. 2. exigitur, minores gradus infanti collatos iterando esse, quia sine effectu collati fuerunt; & ita ait Sausay Innocentium III. tantum referre Episcopi consultationem, non quod ritè, & validè collatas arbitraretur; sed quod absolute non requiritur in eo qui jam factus erat, hujusmodi gradum iteratione diaconatum autem suppleri jussisse, quia tenacius longè hæret presbyteratu diaconatus, quam subdiaconatus; & quatuor minores ordines, ut infra dicemus: unde concludit Sausay, Innocentium III. jubendo gradum diaconatus suppleri, nullâ facta mentione minorum ordinum, non ideo supposuisse quatuor minores gradus susceptos infra annos discretionis validè collatos fuisse. Sed verius credo, Innocentium III. non jussisse ordines minores suppleri, quia esti infanti conferantur, validè recipiuntur, nec genti iteratione, ut Hallierius, & Gamacheus relatū ab ipso probant; nec ordinem subdiaconatus iterari jussisse Pontificem, quia jam illum suscepserat, ut appareat ex ipsa consultatione; siquidem Episcopus tantum proposuit Innocentio, omisso

diaconatus gradu in presbyterum subditum suum fuisse ordinatum; alia si omissset etiam subdiaconatum, id exprimeret: unde supponitur, cum tantum diaconatus gradum omisssum. Quare Innocentius illum tantum gradum suppleri jussit.

C O M M E N T A R I U M.

EX hoc textu sequens communiter deducitur ^{2.}
assertio: Ordinatus per saltum suspenditur, & Conclusus omisssus illi conferendus est. Probat eam testimoniū cap. final. 51. dist. cap. sollicitudo, 52. dist. cap. si tur. & officia, & per tot. 59. dist. cap. 1. & per totam 60. dist. prob. cap. 377. dist. cap. 6. 8; dist. Synodus Romana sub tur. Sylvestro, can. 5. ibi: Sylvester praesente Synodo constituit, ut nullus ex laica persona ab honore acolyti ad Episcopatum sublevaretur, nisi prius fuisse letor diebus 30. deinde una die exorcista, postea capere omnium acolyti & faceret in eodem ordine annos 10. ut acciperet onus subdiaconi; & in subdiaconatu esset annos quinque, deinde add diaconatus honorem pertinere fixus, donec regantibus 30 presbyteris examen, ut esset Diaconus Cardinalis. Synodus 8. can. 17. Damasus in vita Caii, ibi: Caius constituit, ut omnes ordines in Ecclesiasticis ascenderent. Si quis Episcopus fieri meretur, ut esset Hostiarius, Lectio, Exorcista, Acolytus, deinde Subdiaconus, Diaconus, Presbyter, exinde Episcopus ordinaretur. Constitutio ipsa Caii extat in epistola ipsius ad Felicem. Synodus Roman. 2. sub Sylvestro, in epilogi, ibi: Ut quis desideraret in Ecclesiastis militare, aut proficeret, esset prius hostiarius, deinde lector, & postea exorcista, per tempora, que Episcopus constituerit; deinde acolytus annis quinque, subdiaconus quinque annis, cauilllos martyrum annis quinque, Diaconus annis quinque, Presbyter annis tribus. Concil. Sardicense can. 10. ubi statuitur, in unoquoque gradu probatum, ad Episcopatus fastigium ascendere. Brachar. 1. can. 37. ibi: Ex laico ad gradum sacerdotii nemo veniat, nisi prius anno integro in officio letorum, vel diaconatus disciplinam ecclesiasticam disceat, & super angulos

Tit. XXIX. De clero per saltum, &c. 447

singulos gradus eruditus ad sacerdotium veniat. Siquidus questionis in accusatione Hincmarii, ad. 6. in fine: Quis salin sine gradu Diaconi ad sacerdotium proficiat, in degradationem debitam resile debet. Celestinus in epist. ad Episcopos Gallie, cap. 3. Symmachus P. fratri Cesario, cap. 2. Leo Pont. epist. 65. ad African. Episcopos, Turonensis lib. 6 cap. 15. *Habemus scriptum in canonibus, sibi, non posse quemquam ad Episcopatum accedere, nisi prius ecclesiasticos gradus regulariter sortiatur.* Et l. 28. i. 6. p. 1. Illustrant ultra congetus à Barbosa in praesenti, & à potest. Episcopi 2. part. alleg. 16. & alleg. 47. & de jure eccles. lib. 2. cap. 33. num. 8. Hallierius de sacris elec. 2. part. sect. 1. art. 2. & de bish. arch. iuris fol. 253. Corvinus lib. 4. aphorism. cap. 37. Cresol. lib. 2. mystag. cap. 12. Gibalinius de irregul. cap. 5. dub. 6. Altamir. adleg. 3. Cod. de fildis offic. cap. 10. P. Gregorius lib. 4. partit. iii. 4. cap. 2. Petrus Herodius lib. 1. Pand. lib. tit. 4. cap. 20. Bosquetus ad Innoc. III. lib. 1. reg. sfr. 13. epist. 192. Savarus ad Sidonum lib. 3. epist. 15. Langulus lib. 7. semper. cap. 1. Solorzonus de juri honor. num. 33. Vighel. in method. juris can. fol. 249. Suarez de censur. disp. 31. sect. 1. num. 47. Acunna in c. nunc. 52. dist. Claud. Espenceus lib. 1. digr. cap. 16. Petrus Faber lib. 3. agnisi. cap. 28. Antr. Augustin. in ep. lib. 7. tit. 4. Meril. lib. 2. obs. cap. 6. Filelacus in cap. 1. §. 3. de officio ordin. Diana part. 5. tract. 10. resol. 27. Hieron. Garcia in summa. tract. 1. dub. 13. difficult. 1. punct. 4. Balsam. in can. 89. Synod. Carthag. Dartis in 52. dist. Alteferra in praesenti.

Sed hæc assertio difficilis redditur auctoritatibus, exemplis, & rationibus. Auctoritatibus Concilii Brachar. supra relati, & Zosimi relati in cap. officia, 59. dist. ubi à lectoris gradu ecclesiastica militia auspicatur: & Gelasius Papa in epist. ad Episcop. Lucania, c. 3. continuo aliquem lectorum legimus ordinari, tum acolytum, postea subdiacnum, Diaconum, & Presbyterum scribit. Igitur quia non gradatim per omnes ecclesiasticos gradus necessario est ad sacerdotium pervenientum. Exemplis etiam id facile probatur; siquidem D. Cyprianus epist. 33. ait: Placuit ut ab officio lectoris incipiat. Et epistola sequenti fatetur, se Celorinum primo ad Lectoratus gradum promovisse. Et epist. 24. ait, Optatum a te ex Lectorate Hippodiacum ordinasse. D. Martinus primum exorcista a sancto Hilario Piclavensi creatus, ex eo gradu sacerdotium attigisse refert Severus in ejus vita. D. Chrysostomus à Lectoratu, quem à Zenone receperat, ad Diaconatum promotus, deinde presbyter, postea Episcopus consecratus fuit. Similiter Euthychius Patriarcha CP. ex Lectorate Diaconus, ex Diacono Sacerdos, tandem Episcopus consecratus fuit, teste Metaphraoste in ejus vita, die sexto Aprilis. De Joan. ne Cabilonensi Episcopo refert Sidonius lib. 4. epist. 25. Lectorum hunc primum, sic ministrum altaris (id est Diaconum) processu temporis Archidiacorum, postea secundi ordinis sacerdotem, seu presbyterum creatum, antequam ad Episcopalem Se- dem vocaretur. De sancto Felice refert Paulinus natali 4. eum primis in annis Lectorum, exinde exorcistam, tum sacerdotem fuisse, ibi:

Inde gradum cepit, cui munus voce fidei
Adjurare malos, & sacra vellere verbis.

Quod quia per speciem meriti virtute regebat,
Tunc sacerdos veneranda insignia natus, &c.

Alia exempla refert Hallierius dist. art. 2. §. 2. Rationibus etiam impugnat præsens assertio; nam videtur quadam ludificatio, si ordines inferiores conferantur iis, qui ad majora officia destinantur,

D. D. Gonzal. in Decretal. Tom. V.

& ordines superiores mox sunt suscepti: v. g. si acolyte mox ordinando, cui acolyti officium in Ecclesia imponendum sit, hostiarii, lectoris, exorcistarum ordines conferantur: quorum munia nunquam obitus sit. An non hoc est, ut ait Duarenus lib. 1. de sacris Ecclesiæ, cap. 16. dicas tantum causâ ordines inferiores accipere? quod præcipue procedit in præsenti casu, cum quis etiam in presbyterum ordinatur, nam ad quid suppleri debet gradus Diaconi omisus, cum consequito fine, juxta Philosophum frustra agatur de medio.

Quâ dubitandi ratione non obstante, vera est 4.
præfens assertio, pro cuius expositione sciendum De ordine est, quod licet gradus omnes, tam maiores, quam natione minores, tendant ad sacramentum Ordinis à Christo gradatio Domino institutum; tamen primis Ecclesiæ sc. timfamilis, qui in presbyterum ordinandus erat, non tienda. semper prius minoribus gradibus initabatur, ut expedit D. Thomas in supplement. quest. 35. art. 5. in corpore, ibi: Quod etiam in primitiva Ecclesiæ aliqui ordinabantur in presbyteros, qui prius inferioris ordines non suscepunt; & tamen poterant omnia, qua inferioris ordines possunt, qui in inferiori potestas comprehenduntur in superiori virtute, si usus sensus in intellectu, Durans in regno. Sed postea per constitutionem Ecclesiæ determinatum est, quod ad maiores se non ingerat, qui prius in minoribus non se humiliaverit; forsitan quia cum olim ordinationes nullæ otiosa forent, nec ordines inutiles, ide si quæ sine functione, sine munere peragerentur, inutiles credebantur: itaq; moris erat tunc gradus illos omittere, quorum functiones ordinandi minimè obirent; vel quia eo tempore consuetum non erat illos gradus recipere, quos non erat necessarium exercere: sed quinam fuisse, qui prius constituit, ut nemo per saltum promoveretur, id est omisissi inferioribus gradibus ad superiores ascendere, hæsitatur: Baronius anno 296. num. 2. Caium hujus instituti auctorem admittit, quoties de promovendo aliquem in Episcopum agebatur. Cironius ad hunc titulum, Caium accipit primum hujus instituti auctorem; & meritò, juxta Damasum supra relatum, & Synodum Nicenum can. 2. textus in cap. 1. & seqq. 48. dist. ubi reperita est hæc Caii lex: in canone enim 80. Apost. tantum prohibitum fuerat repente neophyti in Episcopum ordinari, vel sacerdotem; unde deducitur id, quod in neophyti prohibebatur, in aliis fuisse permisum, nulla serie ordinum minorum inspecta, donec Cajus suâ Constitutione statuit, gradatim per minores ordines ad maiores esse pervenendum. A quo tempore subordinationem ordinum fuisse observatam, & promotiones per saltum prohibitas, constat ex Synodo Romana, & aliis Conciliis supra expensis & ex Tertulliano de fraga, ibi: Hoc sentire, & facere omnem servum Dei oportet, etiam minoris loci, ut majoris fieri possit, si quidem gradum ex persecutionis tolerantia ascenderet. Ex sancto Hieronymo epist. 1. ad Heliodorum, de Nepotiano presbytero, ait: Fit clericus, & per solitos gradus Presbyter ordinatur. Variis exemplis probat Hallierius de sacris elec. dict. art. 2. num 5.

Magna cum ratione hujusmodi ordinationes per saltum prohibite ab Ecclesiæ fuerunt; nam ordinis, qui servatur in hominibus, ut in cœlesti hierarchia provehantur, idem utique servandus videatur, ut in ecclesiastica proficient: docent B. Clemens lib. 6. Stromatum, pag. 667. his verbis: Nam hic quoque progressiones Episcoporum, Presbyterorum, Diaconorum sunt, ut arbitror, imitationes

5.
Traditio
tur de
cidendi
ratio.

Pp 2 gloria

gloria angelica, & illius economie, ac dispensationis. Cui consentiunt Damasus in epist. ad Urbanum, Gregorius lib. 4. indit. 12. epist. 52. Bernardus lib. 3. de consider. ad Eugenium. Hoc autem ordine ad celestem hierarchiam homines transferuntur, ut prius inferiores ordines attingere debeant quam superiores, ut probat Hallierius dict. sect. 1. §. 7. Igitur similiter ut quis in ecclesiastica hierarchia, & sacro clericorum ordine proficerre possit, consentaneum est, ut inferiores ordines prius decurrat, quam ad superiores pervenire possit; nam leges civiles, natura due, quae solenni decursu a minimis semper incipit, & pedentim progreditur, statuerunt ut gradatim ad dignitates perveniretur, l. ut gradatim II. l. honor 14. § gerendorum, ff. de munere. & honor. l. 2. Cod. quemadmodum ci- vil. munera, l. que utiliter 47. in princip. ff. de negot. gest. l. nam & Imperator 41. ibi: Ut ad processus vi- ri uxori ei donare possit; ff. de donat. inter. l. nemini 3. Cod. de Consul. lib. 12. l. 1. Cod. ut omnes judices, l. 1. Cod. de divers. offici. l. final. Cod. de tyronibus, l. unicuique, Cod. de proxim. sacr. scribi. l. ult. vers. Illud, Cod. de primicer. lib. 12. l. 2. Cod. de officio Magistr. eod. lib. l. 13. in fine, tit. 21. part. 2. l. 17. tit. 18. l. 6. tit. 22. ead. part. Quare Romani non soli in militia castris hunc ordinem servabant, Lipsius de militia Roman lib. 2. dialog. 8. l. contra 14. Cod. de re milit. lib. 12. Pancirola in notitia Orient. cap. 33. & 36. Rosinus lib. 10. antiquit. cap. 7. ve- rium & in togata, nam Patricii, & plebei nobiles post exacta stipendia militaria, viam sibi parabant ad Rem publicam gubernandam. Primo pertebant Questuram, primordium honorum exinde dictam ab Ulpiano in l. 1. de offic. Quest. triennio elapsa Aedilitatem, biennio Praeturam, eadem quoque intercedente Consulatum: sequebantur Censura, & Patriciatus. Titus Livius lib. 32. ibi: iam Aedilitatem, Praeturamque fastidiari, nec per hono- rum gradus documentum suadentes nobiles homines tendere ad Consulatum, sed transcendendo media, summa imis continuare. Plinius in panegyr. ibi: Ni- hil magis predeesse candidato ad sequentes honores, quam per aclos optimi Magistratus. Magistratus Magistratus, honor honor petuit. Quare Cassioido- rus lib. 1. epist. 3. inter alias laudes refert, dum Patri- cius reperiatur, quod non fragili felicitate pro- vectus fortuna ludo, ad apicem fastium repentinis successibus evolavit. Sed ut crescere virtute solent, ad fastigium praeconii consendit gradibus dignitatem. Et Arisot. lib. 3. de repub. cap. 8. ait: In hoc ordine servando Reipublicae conservacione consistere, ibi: Omnis conservanda Reipublica ratio est nem- nem ornare, sed exiguo potius, & distinctorum hono- res tribuere, quam celeriter magnos. His enim talibus decessores sunt, ut ferre secundam fortunam non possint. Late illustrant Chassaneus in catal. glo- rie mundi, 1. part. consider. 9. & part. 9. consider. 15. & 33. Petrus Gregorius lib. 47. syntagmatum, cap. 15. Borel. lib. 1. de magistr. cap. 16. Alfaro de offic. Fiscal. gloss. 5. per tot. Marquez in gubernat. Christ. lib. 2. cap. 3. Scipio Almiratus in dissert. polli. lib. 3. discept. 13. Besoldus dissert. de magistr. cap. 1. num. 1. Solorzanus de juribus honoratis, ex num. 54. Altamiranus in l. 3. Cod. de offic. fiscal. cap. 10. Meril. lib. 2. ob. cap. 6. Gratianus tom. 1. dis- cept. cap. 154. fuscus Langleus lib. 7. semebr. c. 1. per tot. Recte ergo in praesenti texu, & in aliis supra citatis statuitur, gradatim esse pervenientum ad ordines sacros, alias clericum per saltum promotum suspensionem incurtere. Jam enim a primis Eccle-

siae saeculis nemo ad dignitates maiores promove- batur, nisi prius minoribus functus esset; itaque laicus repente, & mediis neglecti non eligebatur Episcopus. Concil. Sardic. can. 10. D. Cypr. epist. 52. ad Antonianum: Non ipse ad Episcopatum perveni, sed per omnia ecclesiastica officia promovet, & in di- nis administrationibus Dominum saepe promeritus, ad sacerdotiis sublimi fastigium exaltis Religionis gradibus ascendit. D. Hier. in epist. ad Nepot. Fic- ricus, & per solitos gradus Presbyter ordinatur. Ele- ganter S. Greg. Naz. orat. 1. & fuscus in orat. 20. Idem que in laudem Anastasi: Cumquis Ecclesiastico- rum graduum muneribus deinceps perfunctus, ut quae media sunt, resecem, practicetur. Zofimus epist. 9. Vigil. Papa epist. 4. Itaque Gofridus Abbas Gofri- do Carnotensi Episcopo objicit, quodante sacros ordines Episcopus electus sit, lib. 2. epist. 27. Idem que exprobrit Raynald. Andegau. lib. 3. epist. 2. Omnes postmodum ordines, sed sine ordine, quia in otio diebus, & non certis temporibus accepisti, propter Episcopatus ambitionem. Sed haec non iusta tem- per rigidè observata legimus; nam ex Diaconi et- iam assumebantur Episcopi. Krantz. lib. 7. bift. Brem. Vidimus electum vestrum, placet persona, pla- cet scientia, placet eloquencia, placent etiam quan- tum novimus mores. Verum modus electionis dispi- cit, praesertim quia est infra sacros ordines, non diec subdiaconatu, sed acolytatum electio. Nicol. I. epist. 6. Interdum eriam ex causa, & dispensatione summi Pontificis gradatim non ascenditur, ut refert Au- thor historiarum PP. Rom. qui in Gallia federunt, in Clemente VI. Facta autem hujusmodi ordinatione religiosus effectus est, & habitum Predicatorum as- sumpsit. Deinde vero Papaam demum ipsum instant, & procurante Ioanne Rege Francie memorato, jam suo successore effecto, fecit Patriarcham Alexandrinum, & Ecclesiam Rhemensem sibi per perpetuum commendavit, & causam ipsius honorandi magis, ne forte a premis- sis posteriorum possit resilire, in propria nocte natalis Domini ipsum ad omnes sacros ordines uno contextu ordinavit.

Sed circa suspensionem hanc discrimen consti- tuendum est inter ordinem ritè suscepsum, ordi- nem per saltum receptum, ordinem prætermis pen- sum, & ordinem, quem nondum talis promovet ordinatus suscepit; veluti in praesenti casu, in quo quimi- nores ordines ritè suscepserat, prætermis sub- sum diaconatu diaconatum receperat, & illi adhuc decrater gradus presbyteri: & quoad gradus ritè sus- cepcio, & gradum per saltum receptum, certum est, eum suspensione incurrere; an vero ipso jure sus- pensus maneat, vel veniat suspendendus, non con- stat apud Interpretes. Suspendendum esse, quia ex nullo juris testimonio talis suspensio incurritur, docuerunt Turturci. in cap. solicitude, num. 4. 52. discept. Bernard. Diaz in praxi, cap. 24. & alii, quos referunt, & sequuntur Gibalinus de irregul. cap. 5. quas. 1. Leander eod. tract. disput. 20. quas. 3. Sed contrarium, videlicet suspensum esse ipso jure, meritò docuerunt Hostiensis, & Panormit. in praesenti. Suarez de censur. disput. 3. sect. 1. dub. 2. pluribus relatis Acunna in dict. cap. solicitude, num. 8. Barbola lib. 1. iur. eccl. cap. 11. num. 139. Marchinus de ordine, tract. 1. part. 3. cap. 7. num. 8. Peyerin. de Prelatur. quas. 3. cap. 7. num. 1. Portel. in respons. moral. part. 2. cas. 101. conclus. 1. & facile probatur ex Concilio Trident. sess. 25. de reform. ibi: Cum promovet per saltum, si non mini- straverint, Episcopus ex legitima causa possit dis- pensare. Pro ut ea verba expendit Hieronymus Garcia

Carcer in summa, tract. 10. difficult. 5. dub. 5. punet.
 3. Quoad gradus verò, quos adhuc non accep-
 rat, certum est eum impeditum esse ascende-
 re, non quia irregularitatem contraxerit ex ordina-
 tione per saltum, quæ nulla in jure imposita legi-
 tur, sed potius propter effectum suspensionis ex-
 ercendi, & ministrandi in gradu suscepto, ut pro-
 barunt Suarez suprà num. 49. Acunna diel. cap. so-
 licitudo, num. 10. Tamen quoad hanc censuram
 sciendum est, Episcopum in ea posse dispensare,
 ut prætermissum ordinem suscipiat, & ut gradu
 malè suscepto ministret, & ad superiores ascendat,
 quamvis delictum sit publicum; dum tamen in
 gradu prætermisso, aut malè suscepto ministriaver-
 it, ut expressè caverit in Concil. Trident. sess. 23.
 de reform. cap. 14. docent Mayolus lib. 4. de ir-
 regul. cap. 12. num. 2. Suarez de censur. disput. 31.
 sect. 1. num. 51. Avila eod. tract. part. 7. disput. 9.
 sect. 1. dub. 2. immò et si ministriaverit in gradu ma-
 lè suscepito, aut promoto, adhuc cum eo dispensa-
 re potest, si delictum occultum fuerit, ex cap. 14.
 sess 25. de reformar. Concilii Trident. Probat Acun-
 na ubi suprà. Barbosa de pofest. Episcopi alleg. 47.
 num. 3.

Difol-
var
abitu
distribu-
ratio
 Non obstat dubitandi ratio suprà adducta ex
 variis juris auctoritatibus, & exemplis, in quibus
 docetur, & referratur, ex uno gradu inferiori, vi-
 delicet lectoratu, aut simili, ad presbyteratum plu-
 res fuisse promotoris; nam duplice modo responde-
 ri potest. Primo afferendo, consuetudinem eorum
 temporum fuisse, ut eti singuli gradus ordinis
 unus post alium conferrentur, illi tantum nominan-
 rentur, ad quorum officia aliqui destinabantur,
 vel qui eodem die ultimo loco fuerant collati, ut
 hodie usitato more loquendi, si quis uno die om-
 nes minoris recipiat cum Subdiaconatu, dicitur ex
 die Subdiaconus creatus, nullà mentione facta mi-
 norum ordinum. Unde ex canonibus, exemplisque
 suprà relatis, tantum deduci potest, licet fuisse
 olim nonnunquam aliquos ordinari, qui in singu-
 lis minoribus ordinibus non fuissent exercitati,
 immò & eodem aliquando die, vel saltem paucis,
 ob clericorum penuriam, quosdam etiam ad Epis-
 copale fastigium evectos fuisse; non quòd infe-

*Ex dictis difficilis videri potest canon. 6. Con-
 cilii Londin. I. celebrati anno 1225. tempore Ho-
 norii II. in illis verbis: Nullus in Diaconum, nullus
 in Priorem, nisi Presbyter; nullus in Archidia-
 conum, nisi Diaconus promoveatur. Sed responden-
 dum est pro illo verbo Diaconum, legendum esse,
 Decanum, ut in cap. 1. de aere & qualit.*

*Expon-
 tur Con-
 cil Lon-
 dinense
 1. can. 6.*

T I T U L U S XXX.

De eo qui furtivè ordinem suscepit.

C A P U T P R I M U M.

Alex. III. a Lingonienſi Episcopo.


 Eniens ad nos P. nobis exposuit, se furtivè ordinem diacon. suscepisse. Unde f. t. respondemus, quod si non fuit à te, vel ab aliquo b Archidiaconorum, vel c Prałatorum tuorum sub anathematis interminatione prohibitus, tu ipse in promotione ipsius ad sacerdotale officium condigna satisfactio imposita (nisi alia impediunt) pro arbitrio tuo dispen-
 ses. Si verò interminatio anathematis super hoc facta est, moneas eum, ut
 in aliquo monasterio, seu canonica habitum suscipiat regularem: cui ex quo in habitu illo
 aliquanto tempore fuerit laudabiliter conversatus, poteris misericorditer providere: a-
 lioquin nullà ratione concedimus eum sacerdotalem ordinem promoveri.